



PREZIDÊNCIA
KONSELLU
MINISTRUS
VIII GOVERNUN KONSTITUSIONÁL



Gabinete
Porta-Voz

Komunikadu Imprensa

Sorumutuk Konsellu Ministrus nian iha loron 25 fulan-novembru tinan 2020

Konsellu Ministrus hala'ó sorumutuk iha Palásiu Governu, iha Dili, no aprova ona ho alterasaun, projetu Dekretu Lei ne'ebé kria **Instituto Nasionál Direitu Labarik nian, I.P. no aprova ninia estatutu sira**, ne'ebé apresenta husi Vise-Primeira Ministra no Ministra Solidariedade Sosiál no Inkluzau, Armanda Berta dos Santos. Instituto públiku ne'e susede, iha direitu, obrigasaun no patrimóniu sira hotu, ba Komisaun Nasionál Direitu Labarik nian no nia misaun mak atu kontribui ba promosaun, defeza, salvaguarda no akompañamentu direitu labarik sira nian.

Konsellu Ministrus aprova ona projetu Deliberaun, kona-ba **mandatu ba negosiasaun adezaun Timor-Leste nian ba Organizasaun Mundiál Komérsiu (OMK)**, ne'ebé apresenta husi Ministru Koordinadór Asuntus Ekonómikus, Joaquim Amaral. Ho Deliberaun ne'e mak autoriza ona negosiasaun adezaun Timor-Leste nian ba OMK no konfere ona mandatu ba Ministru responsavel ba koordenaun asuntus ekonómikus nian ba negosiasaun husi prosesu adezaun nian ne'e. Iha dezempeñu husi ninia mandatu, Ministru sei hetan apoiu husi delegasaun ida ne'ebé komposta husi membru representante sira husi departamentu ida-idak Governu nian, ne'ebé dezigna husi membru ida-idak Governu nian, hanesan tuirmai: Prezidénsia Konsellu Ministrus; Ministériu Finansas; Ministériu Negósius Estranjeirus no Kooperasaun; Ministériu Saúde; Ministériu Turizmu, Komérsiu no Indústria; Ministériu Agrikultura no Peskas; no Ministériu Petróleu no Minerais.

Membru sira Governu nian aprova ona projetu Deliberaun, ne'ebé apresenta husi Ministru Defeza, Filomeno da Paixão de Jesus, kona-ba **promosaun ba alta patente militar sira nian** atu propoin ba Prezidente Repúblika, tuir Estatutu foun Militar sira husi FALINTIL - Forsa Defeza Timor-Leste nian. Nune'e, Governu delibera hodi propoin ba Señor Prezidente Repúblika atu promove Majór-Jenerál Lere Anan Timur ba Tenente-Jenerál, Brigadeiru-Jenerál Domingos Raúl (Falur Rate Laek) ba Majór-Jenerál, Koronél Calisto dos Santos Coli (Coliati) ba Brigadeiru-Jenerál no Kapitaun-de-mar-e-gerra, Donaciano da Costa Gomes (Pedro Klamar Fuik) ba Komodoru.



Palácio do Governo,
Avenida Presidente Nicolau Lobato,
Dili, Timor-Leste



PREZIDÉNSIA KONSELLU MINISTRUS

VIII GOVERNUN KONSTITUSIONÁL



Gabinete
Porta-Voz

Konsellu Ministrus delibera ona hodi **estende tan mandatu, fulan haat tan, ba Komisaun Téknika Eventuál ba Preparasaun Estratéjia Integradada ida hodi haree ba Implementasaun Sistema Identifikadór Úniku ida husi Sidadaun Timoroan sira no aprova opsaun estratéjika Sistema Identifikadór Úniku nian.**

Governu delibera atu propoin ba Sua Exelénsia, Señór Prezidente Repúblika, Francisco Guterres Lú Olo, **renovasaun estadu emerjénsia**, ba loron tolunulu tan. Haree ba mudansa preokupante husi situasaun epidemiológika no proliferasaun ba kazu rejistadu sira husi kontájju GOVİD-19 nian, iha nivel rejionál, no mós iha nivel mundiál, atu evita no neutraliza risku sira husi propagasaun SARS-CoV-2, atu nune'e bele proteje saúde públika no iha kbiit atu hatán ba Sistema Nasionál Saúde nian, Governu propoin ba Señór Prezidente Repúblika katak, ho renovasaun estadu emerjénsia, permite atu suspende ka limita direitu kona-ba sirkulasaun internasionál, husi sirkulasaun no fiksasaun rezidénsia no rezisténsia nian.

Konsellu Ministrus aprova ona projetu Dekretu-Lei ba **alterasaun dahuluk ba Estatutu Orgániku Kombatente Libertasaun Nasionál**, ho objetivu atu prevee possibilidade atu halo inskrisaun ba verba globál finansiamentu nian ida husi Konsellu Kombatentes Libertasaun Nasionál nian iha orsamentu, ne'ebé ninia ezekusaun kompete ba membru responsavel ba asuntus Kombatentes Libertasaun Nasionál nian.

Ministru Justisa, Manuel Cárceres da Costa, apresenta ona ba Konsellu Ministrus **opsaun polítika-lejizlativa sira kona-ba projetu Kódigu Rejistu Sivil**. Opsaun polítiku-lejizlativa sira ne'ebé apresenta ona ho objetivu atu permite rejistu kazamentu kona-ba forma hotu-hotu kazamentu nian ne'ebé lei rekoñese, hodi reúne presupostu legál sira atu prodús efeitu sivil sira, nune'e mós hodi hakbesik ba justisa husi sidadaun sira, fó enkuadramentu legál ba utilizasaun suporte informátiku sira no kompleta lakuna sira seluk husi servisu rejistu sivil.

Ministru Administrasaun Estatál, Miguel Pereira de Carvalho, apresenta ona ba Konsellu Ministrus **opsaun polítiku-lejizlativa sira hanesan baze ba projetu Proposta Lei ba divizaun administrativa territóriu nian no ba kriasaun kuadru orsamentál no finanseiru ida ba futuru autarkia lokál sira.**



Palácio do Governo,
Avenida Presidente Nicolau Lobato,
Dili, Timor-Leste



PREZIDÉNSIA KONSELLU MINISTRUS

VIII GOVERNUN KONSTITUSIONÁL



Gabinete
Porta-Voz

Projetu kona-ba divizaun administrativa territóriu nian hakarak atu atinje armonizasaun ida boot liu husi área jeográfika postu administrativu sira nian no hodi aumenta asesu ba servisu públiku sira.

Projetu kona-ba kriasaun kuadru orsamentál no finanseiru ida ba futura autarkia lokál sira atu garante demokratisidade no autonomia podér lokál nian, konforme hatuur ona iha Konstituisaun no iha proposta Lei husi Podér Lokál nian no Desentralizasaun Administrativa, hodi garante ninia autonomia finanseira no patrimoniál.

Konsellu Ministrus analiza no endosa Ministra Negósiu Estranjeiru no Kooperasaun, Adaljiza Albertina Xavier Reis Magno, ba asinatura Memorandu Entendimentu ida ne'ebé sei asina entre Ministériu Negósius Estranjeirus no Kooperasaun Timor-Leste nian no Camões, Institutu Kooperasaun no Língua husi Portugal, kona-ba **traballu reabilitasaun Pouzada Biti Boot**, iha Maubara, no halo entrega ofisiál edifísiu ne'e ba Governu.

Ministru Prezidénsia Konsellu Ministrus, Fidelis Manuel Leite Magalhães, halo apresentasaun ida kona-ba **opsaun sira ba rezolusaun husi kestaun sira ne'ebé relasiona ho obras públikas ne'ebé ezekuta sein halo uluk kontratu eskritu.**

Ikusliu, Ministru Finansas, Rui Augustu Gomes, halo apresentasaun ida kona-ba **opsaun política-lejizlativa sira ne'ebé ho baze ba Projetu Proposta Lei enkuadramentu Orsamentu Jerál no Jestaun Finanseiru nian, REMATA**



Palácio do Governo,
Avenida Presidente Nicolau Lobato,
Dili, Timor-Leste